

Publicaziun FUS per ils 11 da november 2016

Damonda da baghegiar nr. 50/16

Datum da publicaziun: ils 11 da november 2016

Proprietaris: Clau + Agnes Cathomas-Meier
Via Cuort 69
7165 Breil/Brigels

Representanza: Architectura Bearth + Cavegn GmbH
Via Spineus 14
7165 Breil/Brigels

Object: Montascha d'ina preit encunter il fem vid la fatschada dil nord,
parcella 281, Cuort, Breil

La damonda da baghegiar ei exponida sin canzlia communal. Ils profils ein tschentai. L'investa publica cuoza 20 dis dapi il datum da publicaziun.

Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.

Suprastonza communal Breil

Votaziun federala dils 27 da november 2016 Program da votaziun

Votaziun federala: 1. Iniziativa dil pievel
"Pigl abandon programau dall'energia nucleara
(iniziativa pigl abandon dall'energia nucleara)"

Temps da votar:

Breil-vitg:

Canzlia communal: **Venderdis, ils 25 da november 2016**
allas 14.00 – 17.00 uras

Dumengia, ils 27 da november 2016
allas 09.30 – 11.00 uras

Dardin:

Caprè: **Dumengia, ils 27 da november 2016**
avon il survetsch divin allas 10.30 – 10.45 uras

Danis-Tavanasa:

Plazza dalla staziun: **Sonda, ils 26 da november 2016**
allas 18.30 - 18.45 uras

Plazza Cadruvi:

Dumengia, ils 27 da november 2016

avon il survetsch divin allas 09.15 - 09.30 uras

Persunas che han buca obteniu il material da votaziun san s'annunziar tier l'administraziun communal entochen sil pli tard **venderdis, ils 25 da november 2016**.

Votaziun per corrispondenza

Tenor la lescha davart il diever dils dretgs politics ha scadin il dretg da far diever dalla votaziun per corrispondenza. Sur dallas prescripziuns partenent la votaziun a scret havein nus informau ils votants. Nus stuein denton constattar ch'ei vegn aunc adina buca ademplier las cundiziuns e seteniu vid las prescripziuns. **Tals che setegnan buca vid las prescripziuns votan nunvaleivel.** Ord quei motiv fagein nus attents sin treis impurtontas prescripziuns:

- **Votants che van all'urna astgan metter mo ils agens cedels da votar ell'urna.**
- **Mintga cuviarta astga cuntener soli ils cedels dad in(a) votant(a)!**
- **La carta da legitimaziun per tals che fan diever dalla votaziun per corrispondenza sto vegnir suttascretta!**

Nus supplichein da prender enconuschientscha.

Administraziun communal Breil

Cussegl da vischnaunca dils 14 da november 2016 dallas 20.00 uras a Danis

Tractandas:

1. Approbaziun dil protocol dalla seduta dil cussegl dils 16 d'uost 2016
2. Preventiv e quen d'investiziun 2017
3. Pei da taglia 2017
4. Approbaziun uorden da satrar e santeris dalla vischnaunca da Breil
5. Approbaziun cunvegna da prestaziun regiun Surselva
6. Varia

Suprastonza communal Breil

Radunonza communal dils 25 da november 2016

Preziadas convischinas, preziai convischins

La suprastonza communal envida tuttas convischinas e tuts convischins alla proxima radunonza communal che ha liug **venderdis, ils 25 da november 2016 allas 20.15 uras en l'aula dalla casa da scola a Breil-vitg.**

Tractandas:

1. Beinvegni ed approbaziun dil protocol dalla radunonza dils 27 da november 2015
2. Orientaziun project da fusiun Breil/Vuorz/Andiast
3. Preventiv e quen d'investiziun 2017
4. Pei da taglia 2017
5. Varia

Il protocol dalla davosa radunonza communal ei exponius sin canzlia communal. Ultra da quei eis ei era pusseivel da leger tal sin nossa pagina da casa www.breil.ch.

Il preventiv ei sin nossa pagina d'internet www.breil.ch ni sa era vegnir retratgs sin canzlia.

Astgein nus supplicar nossas preziadas convischinas e nos preziai convischins da resalvar quella sera per nossa radunonza communal.

Suprastonza communal Breil

Il president: Clau Schlosser

Igl actuar: Curdin Cadonau

Avis

Muort lavurs vid in tagl da lenna cun suga resta la via d'uaul denter Cambrus e l'Alp da Stiarls serrada per tut il traffic naven da gliendisdis, ils 14 da november entochen venderdis, ils 16 da december 2016.

Bien engraziament per Vossa capientscha.

Uffeci forestal Breil/Brigels